

AGENDRE TRINITATIS 06 JUNI 2021

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
SA : Ya'ami banua Zo'aya, Ya somuso tödö ba sowuawua tödö ami ba we'amöi föna Keriso ma'ökhö andre. Ma'owai Ami fefu, : Ya'ahowu.
SATO : Ya'ahowu !
SA : Ya faofao khömi Lowalangi...
SATO : Ya fao Khöu Geheha-Nia
Fogaoni :
SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 119**

119. HE YESU, BE GEHEHAMÖ

Lala : Nisuno Lowalangida Sahakhö Tödö (No. 16)

do = d 4/4

MM = 96 – 104

1. He Yesu, bè Geheha-Mö, dozigö zamati khöMö, niha ba gulidanö.

Si möi fangehaogö dödö, dozi si no tanakhöMö, si lö ma-ma-lö-ma-lö.

KhöU sa möiga, ba wanema howu-howu soroi Nama, hakhösi tödöU,

So'aya.

2. Te'ala ba abu dödö, na lö khöma Eheha-Mö, sohagaini tödöma.

Tebai matara lahe-Mö, na lö sangaro'ö tödö, sondrou'ö famatima.

Yesu, tolo, be'e khöma Geheha, sangabölö'ö, afu so wa'anau gölö.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
 No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

- SA** : Ba u'ila Zo'aya, si dadao ba dadaoma sebua, si no alawa: anönö gosali ahe mbaru-Nia, önö gafi zamösana. Dua mbalubalu mbawa ba dua mbalubalu gaha ba dua ba Wehombo. Ba faoma lamane-mane we'ao khö nawöra: Ni'amoni'ö, Ni'amoni'ö, Ni'amoni'ö Yehowa ngahönö andrö; no anönö lakhömi-Nia guli danö ma'asagörö. HALELUYA.....

SA : **Manunö** : BZ. : 452

Haleluya..... Haleluya..... Haleluya.....

- SA** : Mangandrö ita :
 He Yehowa Lowalangi Ama, Ono ba Eheha Ni'amoni'ö. Möiga mangalulu ba wangandrö saohagölö me no Örorogö, Ö'orifi, ba Öbohouniga fa'omasi-Mö andrö. Ma'andrö khö-U, tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö bangawalö gabula dödö, tundrehehi faböi alau ndra'aga. Fatöröga ba zomasi Ndra'ugö irugi gamozua, fa makhamö

nahia ba zi so Ya'ugö. Si lö mo'aetufa nisuna ba nifolakhömi Ndra'ugö, awö Zo,aya ya,aga Yesu Keriso ba Eheha Ni'amoni'ö, Yaduhu. **(Mudadao zato)**

3. MANUNÖ moroi ba Mbuku Zinunö Numero 442

442. YA TABE NIHAOGÖ ITA

Lala : Da Tagohi Fa'aurida (No. 287)

do = f 4/4
MM = 88 - 96

1. Ya tabè nihaogö ita, ero ma'ökhö
Si lö omasi Zo'aya, data'erogö.
Me so Yesu dania, na iru-gi inötö.
I tibo'ö zi so horö, sabe'e tödö.
2. Böi tebulö tasekhegö, gera'erada.
Ya tabe'e nibohouni, soroi Geheha.
Me lö tadönadöna, na tohare Zo'aya.
Ba wangowuloi samati, tana-khö-Nia.

4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangi, tehalö moroi ba zura **II Moze 20:1-17**

1. Ba iwa'ö daroma li andrö fefu Yehowa, imane:
2. Ya'odo Yehowa Lowalangi, si no mangeheta ya'ugö ba danö Miserayi andrö, ba zi no möi sawuyu ami.
3. Böi so khömö Lowalangi tánö bö'ö, baero ndra'o.
4. Böi fazökhi khöu nadu, ba he famaedo hadia ia, he si so si yawa ba mbanua, ba he si so si tou ba guli danö, ba he si so ba nidanö, barö danö.
5. Böi angalulu khönia ba böi fosumange ia, me no Lowalangi solohu ndra'o, ya'odo andre, Yehowa, Lowalangi, sanguhuku horö ndra ama ba ndraono ba ba ma'uwu mitou, khöra si fatiu tödö khögu,
6. ba si hakhösi tödö sangomasi'ö ya'o ba solo'ö oroisagu; irugi hönö nga'ötö.
7. Böi tötöi döi Lowalangi Yehowa ba waya; lö'ö sa zi lö ihuku Yehowa zanötöi töinia ba waya.
8. Ame'egö tödö luu wolombase andrö, ba we'amoni'ö ya'ia.
9. Önö ngaluo mohalöwö ndra'ugö ba öhalö halöwöu fefu.
10. Ba ero fitu bongi, ba luu wolombase khö Lowalangi Yehowa; böi babaya hadia ia halöwö ba da'ö, he ya'ugö, ba he onou matua, ba he onou alawe, ba he sangai halöwö khöu ira matua ba he sangai halöwö khöu ira alawe, ba he uriföu, ba he si fatewu khöu ba mbanuami bakha.
11. Önö ngaluo sa mege khö Yehowa, ba wamazökhi banua si yaw~a, awö danö, awö nasi, awö nösira fefu; ba ba luu si fitu, ba no molombase ia. Andrö wa no ifahawu'ö luu si fitu andrö Yehowa, ba no i'amoni'ö.
12. Fosumange namau, awö ninau, ena'ö anau nosou ba danö, nibe'e Lowalangi Yehowa khöu.
13. Böi ange'e.
14. Böi ohorö.
15. Böi anagö.
16. Böi böböngö khö nawöu zi lö duhu.
Böi isö nomo nawöu. Böi isö wo'omo nawöu ba he sangai halöwö~ö khönia ira matua, ba he sangai halöwö khönia ira alawe, ba he öróbaonia, ba he kudonia, ba he hadia ia, fefu, nibayabaya nawöu

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo'aya, mi bè zumange-Nia.
Mi'ebua 'ö döi-Nia, sotöi banua-Nia.

Me no Ikaoni göi ami, afu mitemawa'auri, khö Yesu, Sangorifi.

5. FANGANDRÖ FANGEFA HORÖ

SA : Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He Yehowa Lowalangi, si lö ambö fa'abölö, ba si no fahöna fa'omasi. Mafaduhu'ö wa tenga sinangea ndra'aga tanö föna-Mö, me no fahöna höröma si no mafalua i'otarai iraono ndra'aga, he ba wehedema, era'era dödöma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma horöma andrö si no mafalua, irege sohahau tödö ndra'aga wanohugö fekolima ba zi so fönama si faudu ba zomasi Ndra'ugö. Hakhösi dödö-U khöma Ama, ba be'e aefa khöma horöma andrö ma'afefu, Yaduhu.

SATO : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ibini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

SA : **Turia Wangefa horö** : "Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö.
LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

1. Ba fa 'a tulö ba gulidanö ba niha ni'omasi 'ö andrö
(mudadao zato)

6. FOMBASO TAROMA LI LOWALANGI FÖNA HUHUUO (AB)

- : Da tafondrondrongo daroma Li Lowalangi, tehalö moroi ba zura Efeso 4:17-32
- 17. Ba da'ö niwa'ögu, ba ufaduhu'ö, ba khö Zo'aya, ena'ö amuatami andrö, ba böi sa'ae si mane amuata niha baero göi, ba wayafaya dödöra andrö,
- 18. si no mu'ogömigömisimi tödö, si no olifu wa'auri andrö, khö Lowalangi, ba wa lö aboto ba dödöra, ba wa'abe'e dödöra andrö, sanörö lala hokha,
- 19. me no mate bakha dödöra, ba wamalua si lö sökhi andrö, fefu, ba wa tebai abuso.
- 20. Ba ya'ami, ba tenga si manö wanöngönimi Keriso,
- 21. na no mirongo at? ia, ba na no mufahaö ami, ba khönia, wa khö Yesu so zi duhu,
- 22. wa niheta niha si tohöna andrö khömi, ba lala föna andrö, samakiko ya'ia, ba wangisö andrö, ba wa'elungu.
- 23. Ba nibohouni ami, ba gera'era dödömi andrö.
- 24. ba mi'onukha niha si bohöu andrö, nibe'e famaedo Lowalangi, wamazökhi ya'ia, ba wa'atulö dödö ba ba wa'ohauhau, ba zi duhu.
- 25. Andrö miböhöli waya, faoma si duhu milau khö nawömi, me no faoma ndrotondroto ita.
- 26. Na mofönu, ba böi mifazökhi horö; böi mi'ekhugö luö ba wönumi.

27. Ba bōi mifonaha Gafōkha.
 28. si no managōnagō, ba bōi yamanagōnagō sa'ae, ba yamohalōwō, yamufazōkhi zi sōkhi, tangania, ena'ō so khōnia, ba wame'e ba zi numana.
 29. Bōi alua ba mbewemi wehede si lō sōkhi, he ha sambua li; hadia zonahia, ba wanga'azōkhi, na moguna, ena'ō omasi zamondrongo
 30. Ba bōi mibusi dōdō Geheha ni'amoni'ō andrō, fangaromi, ba luu wangorifi andrō.
 31. Fefu ngawalō wotōtōisa, ba fa'abao dōdō, ba fōnu ba faguaguasa, ba fanandrawa, ba yatebato khōmi, awō fefu, hadia ia zi lō sōkhi.
 32. Ba faoma mihaogohaogō khō nawōmi, faoma mihakhōsi tōdō, faoma mibe'e aefa zala nawōmi, si mane fangefa'ō Lowalangi khōmi gōi, ba khō Keriso.

Ya'ahowu zamondrongo taroma li Lowalangi ba same'e ba dōdō.

SA+SATO : Yaduhu

8. FASÖMBATA

- SA : ia da'e tebe'e khōda ginōtō bawangowuloi fasömbata si 1/10, nidōnia'ō ibu Pendeta
 SA : Iada'e tebe'e khōda ginōtō ba wolohe fasömbata khō Lowalangi. Ta'osamuzaigō wame'e, he fasömbata si föfōna, ba simanō gōi zi mendrua awō zi medölu. Ba si föfōna ua da tafondrondrongo Li Lowalangi me imane:
 ❖ Same'e sumange fangandrō saohagölö, da'ō zamolakhōmi Ya'odo, ba zi lö sinegu ba mbuabuania U'oroma'ō wangorifi andrō khō Lowalangi.
 SA : Tafa'ema wasömbata khō Lowalangi, manunō ita moroi ba Mbuku Zinunō
Numero 257

257. DA MA'OHE KHÖU ZUMANGE

do = d 4/4
 MM = 69 – 74

1. Da ma 'o- he khō-Uzumange fa - sö-mba-ta so-roi dō-dō
 fö - fö mbu-a - la-Mö khō-ma ba zi - la - lö.
Reff:
 Ma be ' e khō-U wa-sö-mba-ta fa- nge- bu - a mbanu-a-Mö.
 Te - ma ia ba wa 'o-ma-si-Mö So ' a - ya.
2. Da ma'ohe khō-U zumange fasömbata soroi dōdō.
 Botoma ma'asambua niwōwōi-Mö
Reff: Mabe'e khō-U wasömbata
3. Da ma'ohe khō-U zumange fasömbata soroi dōdō.
 Nosoma ba fa'aurima soroi khō-Mö.
Reff: Mabe'e khō-U wasömbata
4. Da ma'ohe khō-U zumange fasömbata soroi dōdō.
 Tōdō ba era'era no ta'unō.
Reff: Mabe'e khō-U wasömbata
5. Da ma'ohe khō-U zumange fasömbata soroi dōdō.
 Sinunō ba fangandrōma no oi ambō.
Reff: Mabe'e khō-U wasömbata

Na no awai la'owuloi/lafa'ema wasömbata, ba owulo tanō furi zangowuloi Fasömbata, lafendrongagō wolohe föna fasömbata, ba la'o'ō gofanōwa note zinunō (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....

Manunö ita moroi ba Mbuku Zinunö numero 261

261. YA'E ZUMANGE ¹

Ira'alawe □

1. Ya 'e zu-ma-nge fa-sömbata, ma 'o-he sumange Yehowa.

Iramatua

Reff

Ma'andrö khö-U fa-ho-wu'ö zu-mange ni 'o- hema khö-Mö

2. Ya'e zumange fasömbata mabe'e soroi ba dödöma.

Reff: Ma'andrö khö-U

3. Ya'e zumange fasömbata buala si'otarai Nama.

Reff: Ma'andrö khö-U

4. Ya'e zumange fasömbata, boto, noso, ba fa'aurima

Reff: Ma'andrö khö-U

5. Ya'e zumange fasömbata, lö irugi zomasi dödö-U.

Reff: Ma'andrö khö-U

6. Ya'e zumange fasömbata, ma'aohasi gölö Zo'aya.

Reff: Ma'andrö khö-U

FANGANDRÖ : *(Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btm ba itema'ö sangai huhuo si fao taroma Li Lowalangi si faudu ba wasömbata ni'owuloi andrö)*

9. KOOR/VOKAL GROUP

- SA** : Da tafaogö dödöda ba wanuno Lowalangi faoma sinunö ni'olohesi:
Koor ba Vokal Group
- a. Koor Jemaat
 - b. Kegiata Komisi Perempuan (Koor/Vokal Group)
 - c. Kegiata Wilayah 2 (Koor/Vokal Group)
 - d.

10. MANUNÖ

- SA** : Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

1. Uhonogö sibai dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo'ö.

11. HUHUA SEBUA

- SH** : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
- a. Fombaso taroma Li Lowalangi (Mareko 3:20-35)
 - b. Fanuriaigö
 - c. Nitano ba dödö. (Efeso 4:30)
 - d. Fangandrö Fanga'aro'ö huhuo

- SATO** : Manunö : BZ. Numero 154 : 1

154. NO MAFONDRONDRONGO LIU ²

1. No mafondrondrongo li-U, Lowalangi So 'aya.
Tanö ba dödöma ia, fa böi olifuga.
Fahowu 'ö ia khöma, ena 'ö ohahau dödöma fefu.
Heta ba dödö zi lö sökhi, ma'o 'ö ni'wa 'ö-U.

12. TUHO WAMATI

- SA** : Me no tarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida
- SA+SATO** :
- ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
 - ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
 - ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

13. ANGOMBAKHATA BA MBANUA NIHA KERISO

- SA** : Da tafondrondrongo gangombakhata:.....

MANUNÖ

- SA** : Manunö ita moroi ba Mbuku Zinunö **numero: 123**

123. NA SO ZANGANDRÖ EHEHA

Lala : Tabu Ta'o'ö Zo'aya (No. 281)

do = es 4/4
MM = 96 - 104

1. Na so zangandrö Eheha, lö sa zi lö itema.
Ba zi so Eheha andrö, la la Yesu latörö.
So khöra wa'anau gölö, ba wasöndrata ba horö.
2. Eheha zanga'aro'ö, tötonafö dödöda.
Ya'ia zamaduhu'ö, wa ono Nama ita.
Tadönadöna takhamö, naha sahono dödöda.

14. FANGANDRÖ SALAHI + FAMATENGE + HOWUHOWU

- SH** : Muzizio ita fefu, mangandö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :
- SH + SATO** : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu
- SH** : **FAMATENGE + HOWUHOWU** :
Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/khöda
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu
- SATO** : Manunö BZ.Numero **121 AINE KHÖMA, HE SO'AYA**

SH : Ya'ahowu

SATO : YA'AHOWU